

端緒已登

乙
055-
1113
126-1113.2

雲笈七籤

一

雲竹及七箴

四部叢刊初編子部

雲笈七籤序

學二

祀汾陰之歲日錄職霜臺作句稽之吏越明年秋以鞠獄無狀謫掾于寧海冬十月會聖祖天尊降延恩殿而

真宗皇帝親奉靈儀躬承寶訓格綿鴻於

帝系瞻清發於

仙源誕告萬邦凝休百世於是

天子銳意於至教矣在先時盡以松閣遺書

太清寶籙出降於餘杭郡俾知郡故樞密直

學士戚綸漕運使今翰林學士陳充佐選道

士冲素大師朱益謙馮德之等專其修較俾

咸藏而進之然其綱條滯澁部分未差與瓊

網玉緯之目并謬不同歲月坐遷科條未完

通篇等上言以日承之委屬其續時故相司

侯王欽若總統其事亦誤以日為可使之又

明年各就除_目著作佐郎俾專其事日子時

盡得所降道書并續取到蘇州舊道藏經

本千餘卷越州自州舊道藏經本亦各千餘

卷及朝廷續降到福建等州道書明使摩尼

經等與諸道士依三洞綱條四部錄略品詳

科格商駁異同以銓次之僅能成藏都盧四千五百六十五卷起千字文天字為函目終於官字號得四百六十六字且題曰

大宋天官寶藏距天禧三年春寫錄成七藏

以進之_目涉道目淺了時幸深詎期塵土之

蹤坐忝神仙之職蛙跳缺缺禁積迷軒蟹之區

蚘泊浮萍但局臨鷄之覆雖年棲暮景而寶

重分除於是精究三乘詳觀四輔採摭機要

屬類於文探長燈虹映之微絲玉珮金璫之

說泥丸赤子九官爰系於一方神室嬰兒百

道皆振於兩半至如三奔三景之妙九變十

化之精各探其門互稱要妙刻舟求劍體貌

何殊待充守株有意寧遠因茲探討迷就編

聯綴雲笈七部之英略寶籙諸子之奧總為

百二十卷事備萬條習之可以階雲漢之遊

覽之可以極天人之際考覈類例畫著指歸

上以嗣

真宗皇帝泰運之恩次以備

皇帝陛下乙夜之覽下以裨文館校讎之職

外此而往少暢

玄風耳_目尹肩謹序

雲笈七籤卷之一

雲笈七籤卷之一

道德部

總叙道德

老君指歸曰太上之象莫高乎道德其次莫

大乎神明其次莫大乎太和其次莫崇乎天

地其次莫著乎陰陽其次莫明乎大聖夫道

德所以可道而不可原也神明所以可存而

不可仲也太和所以可體而不可化也天地

所以可行而不可宜也陰陽所以可用而不

可傳也大聖所以可觀而不可言也故度之

所度者知而數之所數者少知之所知者淺

而為之所為者薄至衆之衆不可數而至大

之大不可度微妙窮理非知之所能測大成

之至非為之所能得天地之間禍亂患咎非

事之所能克也故不道之道不德之德政之

元也不名之名亡功而功化之根也是故王

者有為而天下有欲去醇而難厚清化而為

濁開人耳目示以聲色養以五味說以功德

丘陵而務八方覽衆辰而見日月故化可言而德可列功可陳而名可別是以知放蕩而邪偽作道德墮蔽神明隔絕百歲萌生太和涓竭天下僅僅迷惑馳騁是非之境失其自熱之節情變至化糅於萬物悖悖驚憂患患滿腹不安其生不樂其俗喪其天年皆傷暴虐是以君臣相顧而營營父子相舍而戀戀兄弟相憂而懷懷民人恐懼而懷身懷身相結死不旋踵焉患禍也父子戀戀兄弟懷懷皆定最省出辭入而為天傷也臣見其君五色無主疾趨力舞翕有促肘稽背膝行以嚴其上者為不相親也故可道之道道德彰而非自然也可名之名功名顯而非素真也老君指歸略例曰夫物之所以生功之所以成必生乎無形形由乎無名無形無名者萬物之宗也不溫不涼不官不聽之不可得而聞視之不可得而彰體之不可得而知味之不可得而嘗故其為物也則混成爲象也則無形爲音也則希聲爲味也則無量故能爲品物之宗主也通天地靡使不經也若溫

也則不能涼矣官也則不能商矣形必有所分聲必有所屬故象而形者非大象也音而聲者非大音也故則四象不形則大象無以暢五音不聲則大音無以至四象形而物無所主焉則大象暢矣五音聲而心無所適焉則大音至矣故執大象則天下往用大音則風俗移無形暢天下雖往往而不能釋也希聲至風俗雖移移而不能辨也是故天生五物無物爲用聖行五教不言爲化是以道可道非常道名可名非常名也五物之母不失不寒不柔不剛五教之母不嚴不味不愚不傷雖古今不同時移俗易此不變也所謂自古及今其名不去者也天不以此則物不生治不以此則功不成故古今道終始同執古可以御今證今可以知古始此所謂常者也無滋味之狀溫涼之象故知常曰明也物生功成莫不由乎此故以聞衆庸也夫奔電之疾猶不足以一時周御風之行猶不足以一息期善遠在不疾善至在不行故可道之域未足以官天地有形之極未足以府萬物是

故歎之者不能盡乎斯美諒之者不能暢乎斯弘名之不能當稱之不能既名必有所分稱必有所由有分則有不兼有由則有不盡不兼則大殊其具不盡則不可以名此可演而明也夫道也者取乎萬物之所由也玄也者取乎幽冥之所出也深也者取乎探賈而不可究也大也者取乎彌綸而不可極也遠也者取乎緬邈而不可及也微也者取乎幽微而不可覩也然則道玄深大妙遠之言各有其義未盡其極者也然彌綸無極不可名細微妙無形不可名大是以經云字之曰道謂之曰玄而不名也然則言之者失其常名之者離其真為之則窒其性執之則失其原矣是以聖人不以言為主則不違其常不以名為常則不離其真不以為萬事則不敗其性不以執為制則不失其原矣然則老君之文欲辯而詰者則失其旨也欲名而責者則違其義也故其大歸也論太始之原以明自然之性演幽冥之極以定惑罔之迷因而不為損而不施崇本以息末守母以存子賤夫

巧術為在未有無責於人必求諸己此其大要也而法者尚乎齊同而形以檢之名者尚乎定具而言以正之儒者尚乎全愛而舉以進之墨者尚乎儉嗇而智以立之雜者尚乎衆義而總以行之夫形以檢物巧偽必生名以定物理怨必失譽以進物爭尚必起矯以立物率違必作詐以行物纖亂必興斯皆用其子而棄其妻物失所載未足守也然致同塗而異至各旨而趨乖而學者惑其所致迷其所趨觀其齊同則謂之法觀其定真則謂之名察其純愛則謂之儒鑒其儉嗇則謂之墨見其不係則謂之雜隨其所墜而正名為順其所好而執意焉故便有紛紜錯謬之論殊趨辦折之爭蓋由斯矣又其為文也率終以證始本始以直終開而弗達導而弗牽專而後既其義推而後盡其理善法事始以首其論明夫會歸以終其文故使同趨而咸發於事者莫不獲其與言之始因而演焉與旨而獨構者莫不就其會歸之微以為證焉夫塗雖殊必同其歸慮雖百必均其致而舉夫

歸歎以明至理故使觸類而思者莫不欣其思之所應以為得其義焉凡物之所以存乃反其形功之所以魁乃及其名夫存者不以存為存以其不忘亡也安者不以安為安以其不忘危也故保其存者亡不忘亡者存安其位者危不忘危者安善力舉秋毫善聽聞雷霆此道之與形反也安者實安而曰非安之所安存者實存而曰非存之所存侯王實尊而曰非尊之所尊皆理之大者也名號生乎形狀稱謂出乎涉求名號不虛生稱謂不虛出故名號則大失其旨稱謂則未盡其極是以謂玄則玄之又玄稱道則域中有四大也

韓非子主道篇曰道者萬物之始物從道生故曰始是非之紀也是非因道彰故曰紀是以明君守始以知萬物之源治紀以知善敗之端故虛靜以待今今名自命也今事自定也虛則知實之情靜則知動者正有言者自為名有事者自為形形名參同君乃無事焉故曰君無見其欲臣將自摩球臣因欲摩球

以稱之君無見其意臣特自表異君見其志臣用其意以稱之故曰去好去惡臣乃見素去賢去智臣乃自備故有智而不以慮使萬物知其處有行而不以賢觀臣下之所固有勇而不以怒使群臣盡其武是故去智而有明去賢而有功去勇而有強群臣守職百官有常因能而使之是謂習常故曰寂乎其無位而處寥々莫得其所名明君無爲於上群臣悚懼於下明君之道使智者盡其慮而君因以斷事故君不窮於智賢者勅其材君因而任之故君不窮於能有功則君有其賢有過則臣任其罪故君不窮於名是故不賢而爲賢者師不智而爲智者正臣有其勞君有其成功此之謂賢主之經也

淮南鴻烈曰夫道者覆天載地舉四方折八極高不可際深不可測包裹天地稟授無形原流泉源而徐盈混混汨汨而徐清故植之而塞于天地橫之而彌于四海施之無窮而無所朝夕舒之懷於六合卷之不盈於一握約而能張幽而能明弱而能強柔而能

剛橫四維而含陰陽絃宇宙而章三光甚渾而澒其澒而微山以之高淵以之深獸以之走鳥以之飛日月以之明星辰以之行麟以之遊鳳以之翔太古二皇得道之柄立於中央神與化遊以撫四方是故能天運地滯輪轉而無廢水流而不止與萬物終始風與雲蒸事無不應雷聲雨降並應無窮鬼出電入龍興鸞集鈞旋輟轉周而復帀已離已臻還反於樸無爲爲之而合于道無爲言之而通乎德恬愉無矜而得于和有萬不同而便于性神託于秋毫之末而大與宇宙之總其德優天地而合陰陽節四時而調五行喻命履育萬物群生潤于草木浸于金石禽獸碩大毫毛潤澤羽翼奮也角觝生也獸胎不殯焉郊不殯父無喪子之憂兄無哭弟之哀童子不孤婦人不孀紅綰不出賊星不行含德之所致夫太上之道生萬物而不有成化象而弗宰踐行象息靈飛鸞動待而後生莫之知德待之後死莫之能怨得以利者不能譽用而取者不能非以聚畜積而不加富布施稟

授而不益貧周旋而不可究纖微而不可動累之而不高墮之而不平益之而不衆損之而不寡斷之而不薄殺之而不殘鑿之而不深填之而不淺愷兮愷兮不可爲象兮恍兮恍兮用不屈兮幽兮冥兮應無形兮運兮洞兮不虛動兮與柔剛卷舒兮與陰陽俯仰兮萬仙公五千文經序曰老君體自然而生乎太無之先起乎無因經歷天地終始不可稱載窮乎無窮極乎無極也與大道而輪化爲天地而立根布蕞於十方抱道德之至純浩浩蕩蕩不可名也煥乎其有文章巍乎其有成功綢乎其不可量堂堂乎爲神明之宗三光持以朗照天地稟之得生乾坤運以吐精高而無民貴而無位覆載無窮是故八方諸天普弘大道開闢已前後下爲國師代代不休人莫能知之匠成萬物而不言我爲玄之德也故衆聖所共宗道尊德貴夫莫之爵而常自然惟老子乎周時復託神李母剖左腋而生生即皓然號曰老子老子之號因玄而出在天地之先無衰老之期故曰老子世

人謂老子當始於周代老子之號始於無數之劫窮冥冥眇眇久遠矣周室世衰大道不行西遊天下關令尹喜曰大道將隱乎願爲我著書於是作道德二篇五千文上下經焉老君戒文云老君生玄洪聖堂爾時未有天地日月予無所攀足無所躡躡身而處不墮不落身著三光之衣照於虛芒如日月之光也

混元皇帝聖紀序曰原夫大道玄寂理極無爲上德冲虛義該衆妙是以精凝真一非假物以稱生形結九空不待有而成體含神太混純粹幽原恍惚帝先希微至極故能真融金闕教遠不言惠溥玉京慈光有物二儀持以覆載萬品類以滋榮神冠陰陽功成造化先天地而獨立後塵劫而無昧

唐開元皇帝道德經序曰昔在元聖誕著玄言權興真宗啓迪來裔遺文誠在精義頗乖撮而指歸雖蜀嚴而猶病摘其章句自河公而或略其餘浸微固不足數則我玄妙旨豈其特墜朕誠寡薄常感斯文猥承有後之

慶恐失無爲之理每因清宴輒叩玄關隨所意得遂爲箋注豈成一家之說但備遺闕之文今茲絕筆是詢於衆公卿臣庶道經二門有能起予類於卜商鐵疾同於左氏渴於納善朕所虛懷苟副斯言必加厚賞且如說臣自聖幸非此流聽市相於亦云小道既其不諱咸可直言勿爲來者所嗤以重朕之不德唐吳筠玄綱論道篇曰道者何也虛無之系造化之根神明之本天地之元其大無外其微無內浩曠無端杳冥無際至幽靡察而大明垂光至靜無心而品物有方混漠無形寂寥無聲萬象以之生五行以之成生者無極成者有虧生生成成今古不移此之謂道也德者何也天地所稟陰陽所資經以五行緯以四時牧之以君訓之以師幽明動植咸暢其宜澤流無窮群生不知謝其功惠加無極百姓不知賴其力此之謂德也然則道而生之謂之道道固無名焉富而成之謂之德德固無稱焉嘗試論之天地人物仙靈鬼神非道無以生非德無以成生者不知其始成者

不見其終探與索隱孰窺其宗入有之末出無之先莫究其朕謂之自然自然者道德之常天地之綱也又曰道德者天地之祖天地者萬物之父帝王者三才之主然則道德天地帝王一也而有今古澆淳之異堯桀理亂之殊者何哉夫道德無與衰人倫有否泰古今無變易情性有推遷故運將泰手則至陽真精降而爲主賢良輔而茲邪邪伏矣時將否手則太陰純精昇而爲主姦邪弼而賢良隱矣天地之道陰陽有數故理亂之殊也所以古淳而今澆者亦猶人幼愚而長慧也嬰兒未孩則上古之含純粹也漸有所辨則中古之尚仁義也成童可學則下古之崇禮智也壯齒多欲則季世之競得僞也變化之理世俗之宜故有澆淳之異也曩其所以原其所由子以習教而性移人以隨時而朴散雖然父不可不教於子君不可不理於人教子所於義方理人在於道德義方失則師友不可訓也道德喪則禮樂不能理也雖加以刑罰益以鞭撻難制於茲人賊乎矣是以示童兒

以無誰則係於忠信化時俗以純素則安於天和故非執道德以化人者未聞其至理也唐陸希聲道德經傳序曰大道隱世教衰天下方大亂當是時天必生聖人聖人憂斯民之不底于治而扶衰救亂之術作周之末世其幾矣於是仲尼闢三代之文以扶其衰老氏據三皇之質以救其亂其揆一也蓋仲尼之術興於文文以治情老氏之術本於質質以復性性情之極聖人所不能異文質之變萬世所不能一也易曰顯諸仁以文為教之謂也文之為教其事彰故坦明白坦然明白則雅言者詳矣易曰藏諸用以質為教之謂也質之為教其理微故深不可識深不可識則妄作者衆矣夫惟老氏之術道以為體名以為用無為無不為而格于皇極者也揚朱宗老氏之體失於不及以至於貴身賤物莊周術老氏之用失於太過故務欲絕聖棄智申韓失老氏之名而弊於苛繳刻急王何失老氏之道而流於虛無放誕此六子者皆老氏之罪人也而世因謂老氏之指其歸不

合於仲尼故皆其名則曰提提仁義絕滅權學病其道則曰獨住清虛不可以為治於戲世之迷其來遠矣是使老氏受誣於千載道德不行於當世良有以也且老氏本原天地之始歷陳古今之變先明道德次說仁義下陳禮學之失利政之煩言其馴致而然耳其秉要執本在乎情性之極故其道始於身心形於家國終於天下如此其備也而惑者尚多云云豈不謂厚誣哉昔伏羲氏畫八卦象萬物窮性命之理順道德之和老氏亦先天地本陰陽推性命之極原道德之與此與伏羲同其原也文王觀太易九六之動貴剛尚變而要之以中老氏亦察太易七八之正致柔守靜而統之以大此與文王通其宗也孔子祖述堯舜憲章文武導斯民以仁義之教老氏亦擬議伏羲彌綸黃帝冒天下以道德之化此與孔子合其權也此三君子者聖人之極也老氏皆變而通之及而合之研至變之機探至精之歸斯可謂至神者矣而王弼以為聖人與道合體老氏未能體道故阮籍

謂之上賢聖之人蓋同於輔嗣豈以老氏經世之跡未足充其所言耶斯不然也於戲聖人之在世也有跡有無跡故道之不行也或危身歷聘以天下為其憂或藏名飛遁示世故不能累有跡無跡殊途同歸斯實道義之門非徒相反而已然則仲尼之所以出老氏之所以處老氏之所以默仲尼之所以語蓋屈伸隱顯之極也二子安能識之哉司馬遷純序衆家以道德為首可謂知本末矣班固作古今人表乃誦老氏於第三品雖其名可誦而道可賤乎哉於戲老氏之術見棄於當代久矣斯數千者之由也且仲尼親見老氏歎其道曰猶龍乎從之問禮誠無間然者在記傳後世不能探其意是以異端之說紛然蓋迷之者不窮其源故非之者不盡其致噫斯傳之不作則老氏之旨或幾乎息矣今故極其致顯其微使昭昭然與群聖人意相合有能體其道用其名執古以御今致理如反掌耳自昔言老氏術者獨太史公近之為治少得其道唯漢文耳其他皮傳說皆

不足取

雲笈七籤卷之一

五

雲笈七籤卷之二

學三

混元混洞開闢劫運部

混元

混元者記事於混沌之前元氣之始也元氣未形寂寥何有至精感激而具一生焉元氣運行而天地立焉造化施張而萬物用焉混沌者厥中惟虛厥外惟無浩浩蕩蕩不可名也廣大之旨雖典冊未窮松妙之基而玄經可見古今之言天者一十八家考考否臧互有得失則蓋混天儀之述有其言而亡其法矣至如紫莊逍遙之篇王仲任論衡之說山海經考其理舍列禦寇書其清濁渾武王黃道張衡銅儀周髀之書宣夜之學斯天安天之目晁崇姚信之流義趣不同師資各異所以慶喜虞華劉焯葛洪宋有承天梁有祖暅唐李淳風皆有述作廬江句股之術釋氏俱舍之譚或託寓詞或申浮說若夫定兩規之分次明二道之運行經緯不差上下無爽者惟渾天法耳葛稚川言渾天之狀如鷄子

卯中之黃地象天而中居天象氣而外運三百六十五度四分度之一半出地上半繞地下二十八舍半隱半見此乃符上清之奧旨契玄象之明驗矣

空洞

道君曰元氣於眇莽之內幽冥之外生乎空洞空洞之內生乎太無太無變而三氣明焉三氣混沌生乎太虛而立洞因洞而立無因無而生有因有而立空空無之化虛生自然上氣曰始中氣曰元下氣曰玄玄氣所生出乎空元氣所生出乎洞始氣所生出乎無故一生二二生三三者化生以至九玄從九反一乃入道真氣清成天滓凝成地中氣為和以成於人三氣分判萬化眾生日月列照五宿煥明上三天生於三氣之清處於無上之上極乎無極也

混沌

太始經云昔二儀未分之時號曰洪源溟溟濛濛如鷄子狀名曰混沌玄黃無光無象無音無聲無宗無祖幽冥冥其中有精其精

甚真彌綸無外湛湛空虛於幽原之中而生一氣焉化生之後九十九萬億九十九萬歲乃化生三氣各相去九十九萬億九十九萬歲共生無上之自無上生復九十九萬億九十九萬歲乃生中二氣也中三氣也中二氣中三氣各相去九十九萬億九十九萬歲三合成德共成玄老也自玄老生復九十九萬億九十九萬歲乃化生三氣也下三氣各相去九十九萬億九十九萬歲三合成德共成太上之靈寶經曰一氣分為玄元始三氣而理三寶三寶皆三氣之尊神號生三氣三號合生九氣九氣出乎太空之先隱乎空洞之中無光無象無形無名無色無緒無音無聲導運御世開闢玄通三色混沌乍存乍亡運推數極三氣開光氣清高澄積陽成天氣結凝滓積滯成地九氣列正日月星宿陰陽五行人民品物並受成生天地萬化自非三氣所育九氣所導莫能生也三氣為天地之尊九氣為萬物之根故三合成德天地之極也

混洞

太真科云混洞之前道氣未顯於恍莽之中有無形象天尊謂無象可察也後經一劫乃有無名天尊謂有質可觀不可名也又經一劫乃生元始天尊謂有名有質為萬物之初始也極道之宗元挺生乎自然壽無億之數不始不終永存綿綿消則為氣息則為人無不有非色非空居上境為萬天之元居中境為萬化之根居下境為萬帝之尊無名可宗強名曰道

劫運

上清三天正法經云天圓十二綱地方十二紀天綱運關三百六十輪為一周地紀推機三百三十輪為一度天運三千六百周為陽劫地轉三千三百度為陰劫天氣極於太陰地氣窮於太陽故陽激則動陰否則蝕陰陽勃蝕天地氣及天地氣及乃謂之小劫小劫交則萬帝易位九氣改度日月縮運陸地通於九泉水母決於五河大鳥屯於龍門五帝受會於玄都當此之時凶穢滅種善民存焉

天運九千九百周為陽蝕地轉九千三百度為陰蝕陽蝕則氣窮於太陰陰蝕則氣極於太陽故陰否則蝕陽激則動陰陽蝕則天地改易天地改易謂之大劫大劫交則天地翻覆河海湧決入淪山沒金玉化消六合冥一白尸飄於無涯孤夷悲於洪波大鳥掃穢於靈嶽水母受事於九河五龍吐氣於北元天馬玄轡以徒魔赤鎖伏精於展門歲星滅王於金羅日月昏翳於三蒙之館五氣停暈於九嶷之巔龍王鼓華於東井之上河侯受對於九海之下聖君顯駕於明霞之館五帝糾簡於善惡當此之時萬惡絕種是魔滅跡八荒四極萬不遺一至於天地之會自非高上三天所不能覆自無青籙白簡所不能脫也又云天關在天西北之角與斗星相御北斗九星則天關之綱柄玉晨之華蓋梵行九天十二辰之氣斗綱運關則九天並轉天有四候之門九天合三十六候一晝一夜則斗綱運關經一候之門晝夜三十六日則經三十六候都竟則是九天一輪三百六十輪為

九天一周九天一周則六天之氣皆還上三天三天改運促會以催其度三千六百周則為小劫小劫交則九氣改正萬帝易位民亡鬼滅善好清治六合寧一九千九百周為大劫終大劫終則九天數盡六天運窮運窮則氣激於三五群妖凶橫因時而行放毒滅民此皆運窮數極乘機而鼓以至於此也地機在東南之分九泉之下則九河之口吐翕靈機上通天源之淘注傷吞九洞之淵澳以十二時紀推四會之水東迴一晝一夜則氣盈至漢九河之機晝夜三十三日機轉西北迴東北張西南翕東南張則海翕則虧周於四會天源下流通波是為一轉三百三十轉為一度一度則水母促會於龍王河侯受封於三天三千三百度謂之陰否陰否則餘陰蝕則水涌河決山淪地沒九千三百度為大劫之終陰運之極當此之時九泉涌於洪波水母鼓於龍門山海冥一六合坦然此陰運之克地氣之激也又云赤精開皇元年七月七日丙午中時登琳琅之都月之上館受符於

元始天王開金陽玉匱玄和王女口命出皇民錄譜自開皇已前三象明曜以來至于開皇經累億之劫天地成敗非可稱載九天丈人於開皇時算定元元校推劫運白簡青籙得道人名記皇民譜錄數極唐堯是為小劫一交其中損益有二十四萬人應為得者自承唐之後數四十六丁亥前後中間甲申之年乃小劫之會人名應定在此之際陽九百六二氣離合吉凶交會得過者特為免哉然甲申之後其中壬辰之初數有九周至庚子之年吉凶倏見其過審明當有赤星見於東方白華干於月門秋子續紫於蟲口亂群堪尸於越川人嘆其種萬里絕煙強巨稱霸弱主蒙塵其後當有五靈焉瑞義合本根龍精之後續族之君平賊四虜應符者隆龍虎之世三六乃清民無機命杵無危患自承唐之後四十六丁亥是三劫之周又從數五十五丁亥至壬辰辰已是也則是太劫之周天翻地覆金玉化消人淪山沒六合冥一天地之改運非真所如何惟高上三天白簡青籙乃

得晏鴻翻而騰翔飛景實而野目耳此玄和王女口命金陽玉匱論天地之成敗吉凶之兆也
上清八景飛經云大劫之周三道虧盈二氣合離理物有期承唐之世陽九故災剪除光劫搜採上真也
老君戒文云西向流沙中無量國有巨石高二百丈周旋一千五百里巨石北則有芥子城壁方四十里四面石壇高二丈飛仙一歲送一芥子著此城中以衣拂巨石令消與平地無別芥子城今滿中芥子則時運周劫世轉一階也靈寶齋戒威儀經訣下云石如崑山芥子滿四十里中夫人羅衣百年一度拂盡此石取芥子一枚譬如一劫之終若是之久誰當悟斯者也
又靈寶天地運度經云靈寶自然運度有大陽九六百六也小陽九六百六也三千三百年為小陽九小六百六也九千九百年為大陽九六百六也夫天厄謂之陽九也地衝謂之百六也至金天氏之後甲申之歲是其天地

運度否泰所終陽九百六會至時道德方明
光曜顯辟聖君受任於主辰之年也

太上老君開天經

蓋聞未有天地之間太清之外不可稱計虛
無之裏寂冥無表無天無地無陰無陽無日
無月無晶無光無象無西無青無黃無南無
北無柔無剛無覆無載無壞無成無賢無聖
無忠無良無去無來無生無亡無前無後無
圓無方百億變化浩浩蕩蕩無形無象自然
空玄窮之難極無量無邊無高無下無等無
偏無左無右高下自然唯吾老君猶處空玄
寂寥之外玄虛之中視之不見聽之不聞若
言有不見其形若言無萬物從之而生八表
之外漸漸始分下成微妙以為世界而有洪
元洪元之時亦未有天地虛空未分清濁未
判玄虛寂寥之裏洪元一治至於萬劫洪元
既判而有混元混元一治萬劫至于百成百
成亦八十一萬年而有太初太初之時老君
從虛空而下為太初之師口吐開天經一部
四十八萬卷一卷有四十八萬字一字辟方

一百里以教太初太初始分別天地清濁剖
判溟泮鴻濛置立形象安奠南北制正東西
開闢顯明光格四維上下內外表裏長短纖
細離離白黑大小尊卑常如夜行太初得此
老君開天之經清濁已分清氣上昇為天濁
氣下沉為地三綱既分從此始有天地猶未
有日月天欲化物無方可變便乃置生日月
在其中下照開闢太初時雖有日月未有人
民漸始初生上取天精下取地精中間和合
以成一神名曰人也天地既空三分始有生
生之類無形之象各受一氣而生或有朴氣
而生者山石是也動氣而生者飛走是也精
氣而生者人是也萬物之中人最為貴太初
一治至于萬劫人民之初故曰太初是時唯
有天地日月人民都未有識名太初既沒而
有太始太始之時老君下為師口吐太始經
一部教其太始置立天下九十一劫九十一
劫者至于百成百成者亦八十一萬年太始
者萬物之始也故曰太始流轉成練素氣於
中而見氣實自變得成陰陽太始既沒而有

太素太素之時老君下降為師教示太素以
法天下八十一劫至于百成亦八十一萬年
太素者萬物之素故曰太素太初已下太素
已來天生甘露地生醴泉人民食之乃得長
生死不知葬埋素處於遠野名曰上古太素
既沒而有混沌混沌之時始有山川老君下
為師教示混沌以治天下七十二劫混沌流
行成其山川五嶽四瀆高下尊卑乃其始起
也混沌以來始有識名混沌號生二子大者
胡臣小者胡靈胡臣死為山嶽神胡靈死為
水神因即名為五嶽四瀆山川高下混沌既
沒而有九宮九宮之時老君下為師口吐乾
坤經一部結其九宮識名天地清氣為天濁
氣為地從九宮以來天是陽地是陰陽者剛
強遠視難觀在天成象日月星辰是也在地
成形五嶽四瀆是也在人成生心肝五臟是
也分別名之有異總而名之是一也取三則
名也九宮沒後而有元皇元皇之時老君下
為師口吐元皇經一部教元皇治於天下始
有星花通流後代以漸成之元皇之後次有

太上皇太上皇之時老君下為師教示太上皇以治天下太上皇之後而有地皇地皇之後而有人皇人皇之後而有尊蓋尊蓋之後而有句要句要之後而有赫晉赫晉之後而有太運太運已前混沌以來名曰中古爾時天生五炁地生五味人民食之乃得延年太連之後而有伏羲生於一源之始繼天而生調習陰陽以定八卦自伏羲已前五經不載書文不達唯有老君從天虛空無億何沙在太清之外不可稱計大道既分天地以來開置皇化轉佐天帝通流後世以自記之伏羲之時老君下為師號曰無化子一名赫華子教示伏羲推舊法演陰陽正八方定八卦作元陽經以教伏羲伏羲已前未有姓字直有其名爾時人民朴直未有五穀伏羲方教以張羅網捕禽獸而食之皆衣毛茹血腥臊臭穢男女無別不相嫉妬冬則穴處夏則巢居伏羲沒後而有女媧女媧沒後而有神農神農之時老君下為師號曰大成子作太微經教神農嘗百草得五穀與人民播植遂食之

以代禽獸之命也神農沒後而有燧人燧人時老君下為師教示燧人鑽木出火鑽日之光燧生為熟以除腥臊燧人沒後而有祝融祝融之時老君下為師號廣壽子教修三綱齊七政三皇修道人皆不病作按摩通精經次有高原高陽高辛三世次有倉頡仲說教書學文三皇之後而有軒轅黃帝黃帝之時老君下為師號曰力牧子消息陰陽作道戒經道廣經黃帝以來始有君臣父子尊卑以別貴賤有殊黃帝之後次有少昊少昊之時老君下為師號曰隨應子作玄藏經爾時昇平嘉禾生醴泉出麒麟鳳凰來景星照少昊之後次有帝顓頊顓頊之時老君下為師號曰元陽子作微古經顓頊沒後而有帝嚳帝嚳之後而有帝堯帝堯之時老君下為師號曰務成子作政事經帝堯之後而有帝舜帝舜之時老君下為師號曰尹壽子作太清經帝舜之後而有夏禹夏禹之時老君下為師號曰直霖子作德誠經夏禹之後而有殷湯殷湯之後而至周初周初時老君下為師

號曰郭叔子作赤精經老君曰秘化之初吾體虛無經歷無窮千變萬化先下為師三皇已前為神化之本吾後化三皇五帝為師并及三王皆勸令修善天一地二人三時四音五律六星七風八州九合有四十五子午卯酉中央各有九算數九復一左三右七二四為肩六八為足中有五龜體成八卦水流歸東分八至五葉落歸本分六至亥金剛本強分二至未土王四季分四至巳坎德獨走離明數四艮八高樛三從坤位乾當城坤與一相逐巽吁天門從乾安一震雷動澤從兌所減庚午寅寅自刑之卦各內其八卦以成餘有九算成易生老君即演行期術曰行期之法自有術先舉坎就坤二西南王母東青龍習氣發喬地戶開巽上四期入中宮算出中宮昇於乾西之大澤華山巔東北之上賈良問南之炎火離霍山幡然變化化北入玄

雲笈七籤卷之二

雲笈七籤卷之三

卷三

道教本始部

道教序

上古無教教自三皇五帝以來有矣教者告也
有言有理有義有教有傳言則宣教則告
因言而悟教明理明則忘言既有能教所
教必在能師所師是有自然之教神明之教
此二教無師資也神明之教義說則有據理
則無正真之教三皇五帝返俗之教訓世之
教宜分權實且斯五教啓乎一真自然教者
元氣之前淳朴未散否冥寂爾顯曠空洞無
師說法無質受傳無終無始無義無言元氣
得之而變化神明得之而造作天地得之而
覆載日月得之而照臨上古之君得之而無
爲無爲教之化也神明之教者朴散爲神明
夫器莫大於天地權莫大於神明既元氣而
周運叶至道而裁成整圓清而立天制方濁
而爲地溥靈通而化世界真和氣而成人倫
陰陽並測其端倪神鬼不知其情狀正真之

教者無上虛皇爲師元始天尊傳授洎乎玄
粹秘於九天正化敷於代聖天上則天尊演
化於三清衆天大弘真乘開導仙階人間則
伏羲受圖軒轅受符高辛受天經夏禹受洛
書四聖稟其神靈五老現於河渚故有三墳
五典常道之教也返俗之教者玄元大聖皇
帝以理國理家靈文具訣大布人間金簡玉
章廣弘天上欲令天下天下遠溥返朴契皇
風也訓世之教者夫子傷道德衰喪蘭仁義
之道化乎時俗將禮智而救亂則淳厚之風
遠矣噫立教者聖人救世慰物之心也悟教
則同聖人心同聖人心則權實變忘言詮俱
泯方契不言之理意象陶無存焉

道教所起

尋道家經語起自三元從本降迹成於五德
以三就五乃成八會其八會之字妙氣所成
八角垂芒凝空靈蒙太真按筆主妃拂庭黃
金爲書白玉爲簡秘於諸天之上藏於七寶
玄臺有道即見無道即隱蓋是自然天書非
關倉頡所作今傳靈寶經者則是天真皇人

於峨嵋山授於軒轅黃帝又天真皇人授帝
書於牧德之臺夏禹感降於鍾山閭闔竊聞
於句曲其後有葛孝先之類鄭思遠之徒師
資相承綿聯不絕其老君道德經乃是大衆
部攝正當三輔之經未入三洞之教今人學
多浮淺唯誦道德不識真經即謂道教起自
莊周始乎柱下養言弱喪深所哀哉愚嘗
聞一至於此何者奉老君生於殷末長目周
初託神玄妙至女虞胎八十一載道遠李樹
之下割左腋而生生即皓然號曰老子指樹
爲氏因姓李焉其相也黃眉黃色日月角懸
蹈五把十耳有三門鼻有雙柱周德下衰世
耳交夜平王三十三年十二月二十五日去
生西度青牛濟登紫氣浮關遂付道德真經
取關令尹喜由此明道家經語非准五千元
始天尊實殊老君聖聖年代差異亦有位號
不同若爲名三界一者欲界有六天即從度
人經太皇黃曾天數滿六天是欲界人壽命
滿歲人在世生不犯身業殺盜邪淫之罪來
生即登此天之中無六欲樂著故生此天二

者色界有十八天即以次取之其天人壽億萬歲若一生之中不犯身業貪瞋之罪得生此天三者無色界天其中人壽命億劫歲若人一生之中不惡口兩舌妄言綺語常來過往得居此天其中善男善女人功行滿足堪上四天者王母迎之登上四天其三界太虛無上常融天太釋玉隆騰勝天龍變梵度天太極平育寶奕天此四天名種民天即三界之上三災所不及四種民天上有三清境三清之上即是大羅天元始天尊居其中施化教

道教三洞宗元

原夫道家由肇起自無先聖跡應感生乎妙一從乎妙一分為三元又從三元變成三氣又從三氣變生三才三才既成萬物斯備其三元者第一混洞太無元第二赤混太無元第三冥寂玄通元從混洞太無元化生天寶君從赤混太無元化生靈寶君從冥寂玄通元化生神寶君大洞之跡別出為化主治在三清境其三清境者玉清上清太清是也亦

名三天其三天者清微天禹餘天大赤天是也天寶君治在玉清境即清微天也其氣始青靈寶君治在上清境即禹餘天也其氣元黃神寶君治在太清境即大赤天也其氣玄白故九天生神章經云此三號雖殊本同一

也此三君各為教主即是三洞之尊神也其三洞者謂洞真洞玄洞神是也天寶君說十二部經為洞真教主靈寶君說十二部經為洞玄教主神寶君說十二部經為洞神教主故三洞合三十六部專經第一洞真為大乘第二洞玄為中乘第三洞神為小乘從三

洞總成七部者洞真洞玄洞神太玄太太平清為輔經太玄輔洞真太太平清太清輔洞神三輔合三十六部正一盟威通寶總成七部故曰三洞專文七部玄教又從七部凡開三十六部其三十六部者第一本文第二神符第三玉訣第四靈圖第五譜錄第六戒律第七威儀第八方法第九衆術第十傳記第十一讚誦第十二表奏右三洞各十二部合三十六部其三氣者玄元始三氣也

始氣者在清微天元氣黃在禹餘天玄氣白在大赤天故云玄元始三氣也又從玄元始變生陰陽和又從陰陽和變生天地人故道德經云道生一一生二二生三三生萬物自玄都玉京已下合有三十六天二十八天是

三界內八天是三界外其三界內者欲界色界無色界界下六天為欲界次十八天為色界次四天為無色界三界合二十八天其三界勝境身相端嚴從欲界天已上人壽命長遠皆以黃金為地白玉為階珠玉珍寶自然

而有雖復歡樂並不免生死其次三界上四天名為種民天亦名聖弟子天亦名四梵天此天人斷生死三災之所不能及其次即至三境境別有左右中三宮宮別有仙王仙公仙卿仙伯仙大夫別有一太上老君天師太清境有九仙上清境有九真玉清境有九聖三九二十七位也其九仙者第一上仙二高仙三大仙四玄仙五天仙六真仙七神仙八靈仙九至仙其聖三境其號次第亦以上高太玄天真神靈玉而為次第最上一天名曰

大羅在玄都玉京之上紫微金闕七寶淵樹麒麟師子化生其中三世天尊治在其內三界二十八天其次四天其次三境最上大羅合三十六天總是三尊所統故經云三界之上妙妙大羅上無色根雲層巖巖有元始浩劫之家三代天尊者過去元始天尊見在太上玉皇天尊未來金闕玉皇天尊然太上即是元始天尊弟子從上皇奉劫以來元始天尊據位三代天尊亦有十號第一曰自然二曰無極三曰大道四曰至真五曰太上六曰道君七曰高皇八曰天尊九曰玉帝十曰陛下

左乙混洞東靈錄

東海青華小童曰余忝祖昔因曠劫貽累衰辰恭承太上嘉命試守青華之宮紫雲蓋上日月映傍來仙玉女妙行真人侍衛左右安樂自餘今登不死位毗上君統攝學生之人奉迎太平後聖宮內東殿金房玉格有寶經三百卷玉訣九千篇無數文誥彌劫不窮妙理要方備在此內此內之要左乙為端謹職

所賞常用欣歡願濟一切同歸道源群生垢滯難拯度太上大慈勅余嚴密隨運接引導誘勿休念茲在心不敢暫替既正主學仙簿錄領受為真之人普志宜通開鑒成莫天寶華重不得輕傳傳之必是其人先啓告太上須有瑞應乃得施行三百寶軸左乙在前思以廣教未遇其人學者雖多貪具者少出之懼怕泄寶之災聞之慮延絕道之答積威淹時壽恩累載上相青童君共尋寶經題目左乙東蒙之錄又名三天不死之章又名智慧長生妙訣又名上聖接生寶篇又名混洞續善玉曆又名唯一混洞真文中三品總名簿錄檢其上品名不死之錄又名紫雲書文又名青錄紫雲書文名紫雲錄文又名玉簡書符次有中品名長生之錄又名黃錄白簡又名玉牒金篇又名玉書金字又名金文玉符次有下品名死籍之錄一名丹章玄牒一名黑簡朱文一名赤目石記一名勒退幽符知下品錄名得進入中品知中品錄名即昇上品知識名題尚能進品況乃解了修行者乎

靈寶略記

述曰經法元起量世所謂與虛空齊量信不可計劫劫出化非所思議過去有劫名曰龍漢爰生聖人號曰梵氣天尊出世以靈寶教化度人無量其法光顯大千之界龍漢一運經九萬九千九百九十九劫氣運終極天淵地崩四溟冥合乾坤破壞無復光明經一億劫天地乃開劫名赤明有大聖出世號曰元始天尊以靈寶教化其法與顯具如上說赤明經二劫天地又壞無復光明具更五劫天地乃開太上大道君以開皇元年託胎於西方綠那王國寄孕於洪氏之胞凝神瓊胎之府三千七百年降誕於其國鬱塞山浮羅之嶽丹玄之阿側名曰靈度字上開元及其長乃悟悟道其期心高道坐於枯桑之下精思百日而元始天尊下降授道君靈寶大衆之誡十部妙經元始時仍住其國長樂舍中昔為時俗人天開暢大法是時得道之人塵沙非譬元始乃與道君遊獲十方宣布法緣既畢然後以法委付道君則賜道君太上之號

通君即為廣宣經錄傳平為世爾時十方大
法布滿唯宛利城境法音未周而此土衆生
與法有緣在昔帝嘗降太上達三天真童書
靈寶五篇真文以授帝嘗奉受供養嗣其年
給法錄傳乎世帝嘗將仙乃封之於鍾山鍾
山在西北弱水之外山高萬五千里至夏禹
登位乃登名山巡狩度弱水登鍾山遵得帝
寶所封靈寶真文於是奉持出世修法修行
禹唯自修而已不傳於世故禹得大神仙力
能鑿龍門通四瀆功畢川流治導天下又安
乃託尸見死其實非死也故智者美其迹真
人知其靈焉未仙之前乃復封之鍾山北嶽
及包山洞庭之室距吳王闔閭時王出遊包
山見一人在中問曰汝是何人答曰我姓山
名隱居闔閭曰子在山必有異見者試為吾
取之隱居諾乃入洞庭訪遊平地天一千五
百里乃至焉見一石城不敢入乃於外齋
戒三日然後入見其石城門開於室內玉几
上有素書一卷文字非常即便拜而奉出呈
闔閭闔閭即召群臣共觀之但其文篆書不

可識乃令人齋之問孔子使者忽然詣曰
吳王闔閭居殿堂忽有赤鳥銜書來落殿前王
不解其意故令請問孔子慨然不答良久乃
言曰丘聞童謠云吳王出遊觀震湖龍威丈
人山隱居北土包山入靈墟乃入洞庭竊禹
書天帝大文不可舒此文長傳百六初若強
取出喪國虛若是此書者立能知之赤鳥所
銜則丘未聞使者乃自書謝曰實如所言於
是孔子曰此是靈寶五符真文昔夏禹得之
於鍾山然後封之於洞庭之室使者反白闔
閭乃專事之然其修性慢易不能遵奉道科
而真文乃飛上天不知所往後其子夫差嗣
位乃登勞山復得之奉崇供養自爾相承世
世錄傳至三國時吳主孫權赤鳥之年有瑯
琊葛玄字孝先者乃葛尚書之子尚書名
孝儒年八十乃誕玄玄多靈應年十三好慕
道德純粹忠信舉孝廉不就素餐辭祿志尚
山水入天台山學道精思遐微未周一年感
通太上達三聖真人下降以靈寶經授之其
第一真人自稱太上玄一第一真人壽羅魁

其第二真人自稱太上玄一第二真人光妙
音其第三真人自稱太上玄一第三真人具
定光三真亦降之前太上又命太極真人徐
來勒為孝先作三洞法即孝先凡所受經二
十三卷并諸要請問十卷合三十三卷孝先
傳鄭思遠又傳兄太子少傅海安君字孝夷
孝夷付子護軍操佛即抱朴子之父抱朴從
鄉君盟鄉君授抱朴於羅浮山去世以付兄
子海安君至從孫樂甫以隆安之末傳道士
任延慶徐靈期等世世錄傳支流分散孽孽
非一此大運之通應根而作者因緣冥會乃
神明之靈有心君子可以取焉

三寶真經出化序

夫衆先元起資乎本真本真清微凝然淵靜
湛體常住無去來相自古及今其名不去無
形無名為萬物之宗矣三元經謂之衆生真
父母者也我之所生乃是因緣和會寄胎父
母耳衆生靈照本實其父母而生但以本性
既微未能照見為塵勞所惑遂便有身有身
之患萬累生焉是以轉輪五道還源虛遠因